

Pangngaasiyo ta Ipalubosyo ti 24 nga Oras Sakbay ti Iserrek Kalpasan ti Soil Stabilizer Treatments

Release Date: Oct 18, 2023

Tapno maksayan ti buli ken panagayus dagiti kontaminado manipud iti dapu ken rugit kadagiti sanikua ti Lahaina a naapektaran iti uram iti kabakiran idi Agosto 8, ti U.S. Environmental Protection Agency ket mangtaming iti dapu ken rugit babaen ti soil stabilizer. Saan a makasabidong ti soil stabilizer apaman a namaga, ket makiddaw kadagiti umili nga agurayda iti 24 nga oras kalpasan ti pannakaipakat ti soil stabilizer sakbay a sumrekda iti sanikua.

- Maus-usar ti soil stabilizer a mangsalaknib iti salun-at dagiti umili ken ti aglawlaw manipud kadagiti peggad a patauden ti dapu ken rugit nga agtalinaed kadagiti sanikua a naapektaran iti uram iti kabakiran idiy Lahaina. Naagasan met dagiti sanikua a naapektaran iti uram idiy Kula iti isu met laeng a soil stabilizer.
- Makatulong ti pannakaipakat ti stabilization product a kas iti Soiltac tapno malapdan ti pannakaisarang iti dapu ken mangkissay iti peggad ti panaganges no ag-silf iti dapu ken buli. Makatulong pay daytoy tapno malapdan ti panagayus dagiti napeggad a materiales nga agturong iti taaw wenno kadagiti asideg a waig.
- Mabalín a sumrek dagiti umili iti sanikua ken sift through-da dagiti materialesda kalpasan a naikabil ti soil stabilizer. Kiddawen ti EPA kadagiti residente nga pangngaasiyo ta palubosanda ti 24 nga oras sakbay a sumrekda iti sanikua.



FEMA

Page 1 of 2

- Apaman a naipakat ken namaga ti produkto, saan a makasabidong dayta, ken kangrunaanna saan a makita. Pabassitenna ti kaadu ti buli a mabalin nga agwaras no mariribukan ti dapu.
- Kalpasan a naikabil ti stabilizer, maipaskil ti karatula iti sanikua a mangibaga iti petsa ken oras ti pannakaipakat.
- Isingasing ti managaramid ti naan-anay a 24 nga oras a panawen ti panagagas. Uray no iti daytoy a klima manamna a tumangken ti soil stabilizer iti basbassit a panawen, mairekomendar ti naan-anay a 24 nga oras a panaguray sakbay ti iseserrek tapno masigurado ti umno a pannakaagas ken pannakatangken ti produkto.
- Bayat a ti soil stabilizer pabassitenna ti posibilidad nga adda dagiti partikulo nga adda iti angin, mairekomendar latta a dagidiay sumrek iti lugar sakbay a malpas ti pannakaikkat dagiti rugit rumbeng a suroten ti balakad dagiti opisial ti salun-at ken agusar iti personal protective equipment kas iti face mask.

Para iti kaudian nga impormasion maipapan kadagiti panagregget a mangpaimbag iti uram iti kabakiran ti Maui, bisitaen ti mauicounty.gov, mauirecovers.org ken fema.gov/disaster/4724. Suroten ti FEMA iti social media: [@FEMARegion9](https://twitter.com/FEMARegion9) ken facebook.com/fema.



FEMA

Page 2 of 2